

სსიპ - სახმელეთო ტრანსპორტის სააგენტო (შემდგომში 'დამკვეთად' წოდებული), წარმოდგენილი მისი დირექტორის მიხეილ ხმაღაძის სახით, ერთი მხრივ და საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტი (შემდგომში 'დაცვად' წოდებული), წარმოდგენილი დაცვის ორგანიზაციის სამმართველოს უფროსის მამუკა ლიპარტელიანის სახით, მეორე მხრივ, სახელმწიფო შესყიდვების შესახებ საქართველოს კანონის 101 მუხლის მე-3 პუნქტის „ა“ ქვეპუნქტის საფუძველზე, გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში - ხელშეკრულება) შემდეგზე:

მუხლი 1. ხელშეკრულების საგანი

- 1.1 'დაცვა', გამოკვლევის აქტის საფუძველზე უზრუნველყოფს 'დამკვეთის' ობიექტების (შემდგომში 'ობიექტად' წოდებული) დაცვას რომელიც მდებარეობს მისამართზე: ქ. თბილისი, ვაჟა ფშაველას გამზ. №16-ში; დაცვის მომსახურება (CPV კოდი 79713000);
- 1.2 'დამკვეთი' იღებს ვალდებულებას 'დაცვას' გადაუხადოს დაცვის მომსახურების ღირებულება წინამდებარე ხელშეკრულების მე-3 მუხლის მოთხოვნათა მიხედვით.

მუხლი 2. დაცვის თანამშრომელთა საშტატო განრიგი და დაცვის რეჟიმი

- 2.1 ხელშეკრულების 1.1 პუნქტით გათვალისწინებული 'ობიექტის' დაცვას, განახორციელებს საქართველოს შინაგან საქმეთა სამინისტროს საჯარო სამართლის იურიდიული პირი - დაცვის პოლიციის დეპარტამენტის ქ. თბილისის სამმართველოს I განყოფილება: 3 (სამი) ინსპექტორისა და 6 (ექვსი) უმცროსი ინსპექტორის საშტატო ერთეულით, გამოკვლევის აქტით გათვალისწინებული დაცვის რეჟიმით.

მუხლი 3. მხარეთა შორის ანგარიშსწორება

- 3.1 ხელშეკრულების ჯამური ღირებულება შეადგენს 104400,00 (ასოთხიათასოთხასი) ლარს დღგ-ჩათვლით;
- 3.2 'დაცვის' მომსახურების ღირებულება ერთ თვეში შეადგენს 8700,00 (რვაათასშვიდასი) ლარს, დღგ-ს ჩათვლით (მათ შორის: პოლიციის ერთი ინსპექტორი - 1100,00 ლარი და ერთი უმცროსი ინსპექტორი - 900,00 ლარი);
- 3.3 დაცვასთან ანგარიშსწორება იწარმოებს მხარეთა მიერ გაწეული მომსახურების მიღება-ჩაბარების აქტისა და საგადასახადო ანგარიშ-ფაქტურის წარდგენიდან 5 საბანკო დღის განმავლობაში.
- 3.4 „დამკვეთის“ მხრიდან მომსახურების მიღების უფლებამოსილება ენიჭება სსიპ სახელმწიფო ტრანსპორტის სააგენტოს საფინანსო და ადმინისტრაციული სამსახურის უფროსს გიორგი მაზიაშვილს.
- 3.5 'დაცვის' მომსახურებაზე მიღება-ჩაბარების აქტის და საგადასახადო დოკუმენტაციის გამოწერას უზრუნველყოფს შსს სსიპ - დაცვის პოლიციის დეპარტამენტის ქ. თბილისის სამმართველო.

მუხლი 4. მხარეთა უფლება-მოვალეობანი

- 4.1 'დაცვა' ვალდებულია:
 - 4.1.1 არ გაამჟღავნოს 'დამკვეთის' სამსახურებრივი საიდუმლოება;
 - 4.1.2 'ობიექტის' სპეციფიკიდან გამომდინარე განახორციელოს დაცვა ცეცხლსასროლი იარაღით ან იარაღის გარეშე;
 - 4.1.3 'პოლიციის' შესახებ კანონის მოთხოვნათა შესაბამისად კეთილსინდისიერად შეასრულოს დაკისრებული მოვალეობები;
- 4.2 'დამკვეთი' ვალდებულია:
 - 4.2.1 განახორციელოს პირველადი და შემდგომი გამოკვლევის აქტების მოთხოვნათა შესრულება და 'დაცვასთან' ერთად იზრუნოს 'ობიექტის' დაცვის სრულყოფისათვის;
 - 4.2.2 'ობიექტის' მთლიანობის დარღვევის შემთხვევაში, არ შევიდეს მასში 'დაცვის' თანამშრომლების გარეშე და არ დაიწყოს მატერიალურ ფასეულობათა აღწერა;
 - 4.2.3 'დაცვას' 15 დღით ადრე აცნობოს და მასთან შეთანხმებით გადაწყვიტოს 'ობიექტზე' მოსალოდნელი ყველა ის ცვლილება, რომელიც შეეხება დაცვის უსაფრთხოებას: ('ობიექტის' დაცვითი სიგნალიზაციით აღჭურვა, მუშაობის რეჟიმის ცვლილება, სამშენებლო სარემონტო სამუშაოების წარმოება და ა.შ.);
 - 4.2.4 'დაცვის' თანამშრომლების მიერ ხელშეკრულებით ნაკისრი ვალდებულებების შეუსრულებლობის შესახებ წერილობით აცნობოს 'დაცვას';
 - 4.2.5 'დამკვეთს' ეკრძალება დამატებითი ხელშეკრულების გაფორმების გარეშე დაავალოს დაცვის თანამშრომლებს იმ ობიექტების დაცვა, რომლებიც არ არის განსაზღვრული მოკვლევის აქტით.

4.2.6 ხელშეკრულების ცალმხრივად შეწყვეტის თაობაზე გადაწყვეტილების მიღებისას, „დამკვეთი“ ვალდებულია აღნიშნული გადაწყვეტილების შესახებ ერთი თვით ადრე წერილობითი ფორმით აცნობოს „დაცვას“.

მუხლი 5. ხელშეკრულების პირობების შეუსრულებლობა

5.1 ხელშეკრულების ცალმხრივად შეწყვეტის თაობაზე შეტყობინების ვადის დარღვევის შემთხვევაში, „დამკვეთი“ ვალდებულია „დაცვას“ გადაუხადოს პირგასამტეხლო დაცვის მომსახურების ერთი თვის ღირებულების ოდენობით, პირგასამტეხლოს თაობაზე მოთხოვნის წარდგენიდან არა უგვიანეს 14 საბანკო დღის განმავლობაში;

5.2 ხელშეკრულების 1.2 პუნქტით გათვალისწინებული ვალდებულების შეუსრულებლობის შემთხვევაში, „დაცვა“ უფლებამოსილია მოსთხოვოს „დამკვეთს“ პირგასამტეხლოს გადახდა, ყოველ ვადაგადაცილებულ დღეზე, შეუსრულებელი ვალდებულების 0,2%-ის ოდენობით.

მუხლი 6. ფორს_მაჟორი

6.1 მხარეები თავისუფლდებიან ხელშეკრულებით ნაკისრი ვალდებულებების შესრულებისგან ფორს_მაჟორული შემთხვევის დროს, რომლის დროსაც შეუძლებელია დაკისრებული მოვალეობების შესრულება და რაც დადასტურებულია სათანადო ორგანოების მიერ.

მუხლი 7. ხელშეკრულების მოქმედების ვადა

7.1 ხელშეკრულება ძალაში შედის 2019 წლის 01 იანვრიდან და მოქმედებს 2020 წლის 31 იანვრის ჩათვლით;

7.2 მომსახურების გაწევა განხორციელდება 2019 წლის 01 იანვრიდან 2019 წლის 31 დეკემბრის ჩათვლით;

მუხლი 8. სხვა პირობები

8.1 წინამდებარე ხელშეკრულებაში ცვლილებებისა და დამატებების შეტანა შესაძლებელია მხოლოდ მხარეთა წერილობითი შეთანხმებით, რომელიც წინამდებარე ხელშეკრულების შემადგენელი და განუყოფელი ნაწილია;

8.2 „დაცვა“ უფლებამოსილია ცალმხრივად შეწყვიტოს ხელშეკრულება, რის შესახებაც „დამკვეთს“ ეცნობება არანაკლებ 10 დღით ადრე;

8.3 ხელშეკრულების 5.2 პუნქტით გათვალისწინებული პირგასამტეხლოს ოდენობის შეუსრულებელი ვალდებულების 5%-ის მიღწევის შემთხვევაში, „დაცვა“ უფლებამოსილია ცალმხრივად შეწყვიტოს ხელშეკრულება დაუყოვნებლივ;

8.4 სადავო საკითხებს მხარეები გადაწყვეტენ ურთიერთშეთანხმებით, ხოლო შეუთანხმებლობის შემთხვევაში სასამართლოს მეშვეობით;

8.5 ხელშეკრულება შედგენილია სამი, თანაბარი იურიდიული ძალის მქონე ეგზემპლარად, რომელთაგან ორი ინახება „დამკვეთთან“, ხოლო ერთი „დაცვასთან“.

მხარეთა რეკვიზიტები და ხელმოწერები:

„დამკვეთი“

სსიპ - სახმელეთო ტრანსპორტის სააგენტო
ს/კ 205297935

ქ. თბილისი, ვ.ფშაველას გამზ. №16

მიმღების ბანკი - სახელმწიფო ხაზინა

ბანკის კოდი - TRESGE 22

მიმღების ანგარიში/სახაზინო კოდი - 707217057

„დაცვა“

შსს სსიპ - დაცვის პოლიციის დეპარტამენტი,
ს/კ 211350928


ქ. თბილისი, დ. აღმაშენებლის ხეივანი, მე_11 კმ
მიმღების ბანკი - სახელმწიფო ხაზინა

ბანკის კოდი - TRESGE 22

მიმღების ანგარიში/სახაზინო კოდი - 707117293



დირექტორი
მ. ხმალაძე



დაცვის ორგანიზაციის სამმართველოს უფროსი
მ. ლიპარტელიანი